



PRESS SECRETARIAT

MINISTRY OF THE PRIME MINISTER & CABINET

Apia, Samoa

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: presssecretariat@samoa.ws

Press Release

27 February, 2008

1. Afioga Minisita o Aoga mo le Fono Komiti Iunivesite Pasefika i Saute.

Ua faamaonia e le Kapeneta le auai o le Afioga i le Minisita o Aoga, Toomata Alapati Toomata, i le fono a le Komiti a le Iunivesite a le Pasefika i Saute e usuia i Suva, aso 29 Fepuari, 2008.

O le mataupu autu o le fono, o le filifilia lea o sē e agavaa na te tauaveina le tofiga o le Sui Ao o le Iunivesite.

2. Malaga Afioga Sui Palemia fono i Aferika ma Niu Ioka.

Ua faamaonia e le Kapeneta le auai atu o le Afioga i le Sui Palemia, Afioga Misa Telefoni, i le fono a le WTO e usuia i Lesotho, Aferika, aso 27 – 29 Fepuari, 2008, atoa ma le fono a le Tourism / Trade e faia i Manukau, Niu Sila aso 5 – 7 Mati, 2008.

O le fono i Aferika e faatalanoa ai fetuunaiga mo fefaatauaiga tau'avelasi atoa ma le afaiga o atunuu e vaivai tamaoaiga i le atiina ae o le WTO.

O le fono i Niu Sila, o loo valaaulia ai le Afioga i le Sui Palemia na te faia le lauga. O le Aso Toonai, 8 Mati, 2008, e tatala ai le Samoan Village i le Pasefika Festival, e fai ai le faaaliga oloa ma e i ai foi le nofoaga mo gaoioiga faalauiloa a le Pulega o Tagata Tafafao Maimoa a Samoa.

E toe taliu mai le usugafono a le Afioga i le Sui Palemia i le aso 11 Mati, 2008.

3. Fono mo Tagata Sulufai ma Tagata Afaina Femalagaa'i.

Ua faamaonia e le Kapeneta le auai o le Ofisa Sili Lagolago o le Ofisa o le Kapeneta faapea ma le Ofisa Sili Lagolago o le Ofisa o Femalagaa'i i le fono o loo taua i luga, e usuia i Bangladesh, aso 28 Fepuari – 1 Mati 2008.

O le mataupu taua o lenei fono, o le faatalanoaina o faafitauli e aafia ai Tagata Sulufai faapea ma Tagata Afaina Femalagaa'i, atoa ma ni fuafuaga e fōia ai faafitauli o loo aliali mai.

O loo fia tuuina aloaia i luga o le laulauafono le manao o Samoa e talimalo i lenei fono i le tausaga fou.

Government Press Secretariat.